



BASES DO VII CONCURSO DE DISFRACES E COMPARSAS ENTROIDO BEGONTE 2018

1ª OBXECTIVO

O Concello de Begonte, a través da Concellería de Cultura, organiza o VII Desfile-Concurso de disfraces e comparsas 2018, co obxectivo de manter a tradición local desta festa tradicional, a través da participación de tódolos veciños de Begonte, que terá lugar o vindeiro sábado 17 de febreiro de 2018 no Pavillón de Baamonde.

A Concellería de Cultura quere animar á xente da vila de Begonte, con especial mención ós nosos nenos a participar no desfile de Entroido, aínda que non sexa na modalidade de concurso.

2ª PARTICIPANTES

Poderán formar parte do concurso tódalas persoas ou agrupacións que o desexen, que previamente efectuarán a súa inscrición ata o mércores 14 de febreiro de 2018 ás 21.00h.

3ª MODALIDADES

As modalidades para inscribirse no concurso son:

Disfrace individual/parella. Inclúense nesta modalidade, ademais dos disfraces individuais, os conxuntos formados ata 2 persoas, cuxos traxes compartan unha mesma temática.

Comparsas. Estarán encadradas nesta modalidade os grupos formados por cinco ou máis compoñentes, gardando coherencia e uniformidade os disfraces entre si.

No desfile só se poderá participar nunha modalidade co mesmo disfrace, no caso de incumprimento quedará descalificado.

4ª INSCRICIÓN

As bases e o formulario para solicitar a inscrición están dispoñibles na web:
www.concellodebegonte.es



Para inscribirse deberán enviar o documento “Inscrición Concurso de Disfraces e Comparsas” que se adxunta coas bases ao correo **inscricions@concellodebegonte.es**

No caso dos menores de idade, deberá cubrir a inscrición a nai, pai ou titor legal.

A modalidade de comparsas, deberá acompañar coa inscrición o arquivo de música; así como nomear a un representante legal, para realizar tódolos trámites.

O prazo improrrogable de inscricións rematará o mércores 14 de febreiro de 2018 ás 21.00h.

A orde de inscricións por modalidade, farase pública na web do Concello o venres 16 de febreiro de 2018.

5ª MECÁNICA DO CONCURSO

O concurso terá lugar o sábado 17 de febreiro de 2018 no Pavillón Municipal de Baamonde.

Os participantes no desfile teñen entre as 15.30h e as 16.45h, para entrar no interior do Pavillón de Baamonde e prepararse para o desfile. Neste intervalo de tempo, deberán recoller un distintivo cun número; que se entregará no punto de información, situado no interior do Pavillón. Este distintivo, identificará a cada participante ou grupo, ademais de indicar a orde para desfilar. Será obrigatorio levalo nun lugar visible, durante todo o desfile.

Ás 17.00h comezará o desfile seguindo a orde de rexistro de inscrición por modalidade:

1º **Disfrace individual /parella**, realizarán o percorrido que lle indique a organización e a música que utilizarán será a proporcionada pola organización, en ningún caso poderá levar música propia.

2º **Comparsas**, para esta modalidade, o tempo de actuación no poderá exceder de **3 minutos**. Será obrigatorio adxuntar arquivo de música xunto coa inscrición, senón a organización non se fará cargo de poñer a música no seus equipos.

Ás 17.00h o xurado fará unha primeira revisión para coñecer a tódolos participantes. Non estar situado no posto asignado no momento da saída poderá ser motivo para a descualificación do concurso.

Non está permitido empregar no interior do Pavillón ningún tipo de artiluxio pirotécnico (bengalas, nitróxeno, petardos,.....), así como obxectos cortantes ou líquidos.

A organización resérvase o dereito de entrada no Pavillón para aquelas carrozas cuxo desprazamento no interior deste poida ocasionar danos no pavimento.



6ª XURADO

O xurado estará formado por 3 persoas, propostas pola Concellería de Cultura , e pola Técnica en Animación Sociocultural que actuará con voz pero sen voto.

O xurado á hora de valorar, terá en conta os seguintes criterios por modalidade :

Disfrace individual/parella

- Confección dos traxes e complexidade. (de 1 a 5 puntos). Os disfraces mercados serán penalizados.
- Orixinalidade e creatividade dos disfraces. (de 1 a 5 puntos).
- Maquillaxe (de 1 a 3 puntos).

Comparsas.

- Confección dos traxes e complexidade das carrozas.(de 1 a 5 puntos). Os disfraces mercados serán penalizados.
- Orixinalidade e creatividade dos disfrace, carrozas.(de 1 a 5 puntos).
- Número de participantes e a súa composición interxeracional. (de 1 a 5 puntos).
- Maquillaxe (de 1 a 3 puntos).
- Posta en escena: (de 1 a 3 puntos).Aquelas actuacións que excedan dos 3 minutos, serán penalizadas.

Daranse por nulos, os concursantes que repitan disfraces de anos anteriores.

O xurado, constituído ao efecto, elixirá catro gañadores para cada categoría.

Así mesmo, o xurado concederá premios especiais: a mellor comparsa do Concello de Begonte de 150€ e ao mellor disfrace individual /parella do Concello de Begonte de 100€. Este premio será compatible con outro premio, se o xurado así o considera oportuno.

O Xurado poderá conceder algún accésit ou declarar deserto algún dos premios.

O fallo do xurado será inapelable, unha vez rematada a deliberación do xurado, farase público o resultado no acto de entrega de premios, no Pavillón de Baamonde



7ª PREMIOS

Para este concurso establécense os seguintes premios:

	INDIVIDUAL/PARELLA	COMPARSAS
1º PREMIO	100€	500€
2º PREMIO	80 €	300€
3º PREMIO	60 €	200€
4º PREMIO	40€	100€

PREMIO ESPECIAL DE 150 € A MELLOR COMPARSA DE BEGONTE

PREMIO ESPECIAL DE 100 € AO MELLOR DISFRACE INDIVIDUAL/PARELLA DE BEGONTE

Os aboamentos dos premios serán tramitados polo Concello de Begonte a través dunha transferencia bancaria.

Os participantes que resulten gañadores recollerán nese intre un vale do premio.

Para poder realizar a transferencia do premio o **solicitante ou representante legal do menor ou da comparsa**, deberá presentar copia do vale, copia do DNI, e certificación do número da conta bancaria nas oficinas do Concello ou remitir a documentación ó correo electrónico inscricions@concellodebegonte.es, antes do 28 de febreiro de 2018.

8ª ACEPTACIÓN DAS BASES

Os participantes, polo mero feito de participar no concurso, aceptan as presentes bases.

Begonte, 10 de Xaneiro do 2018

